

# A ghjaddina è u ghjacaru



## Asirciziu d'appiicazioni

### Ogettivi pedagogichi

**Capacità missi in baddu :** risolve un prublema mittindu lu in equazioni.

**Cumpitenzi missi in baddu :** calculà ; raprisintà ; circa.

## Enunciatu

*À chì trova una sumidda trà l'asirciziu è un fattu stalvatu ùn si sbaglia...*

Mma Ghjaddinaghju, prufessori di LCC à u culleghju Maria de Peretti, hà un ghjacaru è uni pochi di ghjatti è di ghjaddini.

Dapoi ch'iddu hè principiату u cunfinamentu par via di u Coronavirus, si ni stà in casa è lascia i balconi aparti.

I pulpittini di i ghjatti i metti in cuppetti drintu à a casa. Ugni duminica, u ghjacaru Bilì s'arrubba u terzu di i pulpittini di i ghjatti. U restu di a settimana, à i pulpittini di i ghjatti ùn ci tocca. In quant'à i ghjaddini, in casa ùn ci entrini, fora di a più astuta chì a li faci à saltà pà u balconu di a cucina. Ugni ghjornu, si sciacca un vintesimu di i pulpittini di i ghjatti, fora di a duminica, chì tandu ùn s'arrubba cà sei pulpittini chì t'hà a paura di u ghjacaru.

Ci voli à sapè chì i ghjatti ricevini a listessa quantità di pulpittini tutti i ghjorni.

Finita a settimana, Mma Ghjaddinaghju custatighja chì u ghjacaru, pulpittini pà i ghjatti si n'hè arrubatu quant'è a ghjaddina.

Quidda settimana, chì quantità di pulpittini avia datu à ghjornu à i ghjatti Mma Ghjaddinaghju ?

## Lessicu

Ghjacaru = cane

Ghjaddina = ghjallina = gallina

Drintu = drentu = nentru

ugni = ogni

Pulpittina : *croquette*.